



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Constitviones Odonis Archiepiscopi Cantvariae, Tempore regis Edmundi
latae, hoc est annum circiter Domini DCCCCXLIII. in quibus cauetur de
officio regis, magistratum, & cleri, & de iuribus ...

urn:nbn:de:hbz:466:1-15625

56 MARINI PAPÆ II. VITA.

quam in monachorum reformatione, & in basilicarum restauratione, & pauperum cura. Literis vero egit, ut inter Christianos principes mutuo decertantes pax componeretur. Unicum monumentum Marini, quo continetur priuilegium concessum sancti Vincentii monasterio super Vulturni fontes, extat apud Baronium anno 944.

Huius temporibus, post Heribertum comitem defunctum, filio eius Hugoni Remensis archiepiscopo Artaldus nouum facessit negotium. Imago Christi Redemptoris miraculo expressa, & ad Abagarum regem transmissa, translata est Constantinopolim, dum Edessa a Romanis obsideretur, anno Redemptoris 946. inquit Flodoardus. Marinus papa decepsit, cum, iuxta Vaticanos indices, annos tres, menses sex, & dies tredecim sedisset.

Imago
Christi ad
Abagarum
missa.

CONSTITUTIONES * ODONIS ^{* alias ODE}

ARCHIEPISCOPI CANTVARIÆ, TEMPORE
regis Edmundi latæ, hoc est annum circiter Domini
DCCCCXLIII. in quibus cauetur de officio regis, ma-
gistratum, & cleri, & de iuribus ecclesiæ rite confe-
rendis.

TITVL CAPITVLORVM.

- | | |
|-------------------------------------|-------------------------------------|
| I. De immunitate ecclesiæ. | VII. De prohibendis illicitis con- |
| II. De secularium principum officio | nubiis. |
| & obedientia episcopis praestanda. | VIII. De concordia in ecclesia con- |
| III. De officio episcoporum. | seruanda. |
| IV. De officio presbyterorum. | IX. De ieuniis & eleemosynis fa- |
| V. De officio clericorum. | ciendis. |
| VI. De officio monachorum. | X. De decimis reddendis. |

P R A E F A T I O.

IN nomine sanctæ Trinitatis & vnicæ diuinitatis. Licet, nullis existentibus meritis, monita piæ exhortationis ausu temerario quempiam docere præsumam, tamen quia certantibus, & videlicet laborantibus in stadio huius vitæ, spirituale brauium auctore donorum Spiritu promittitur, & pastorum curæ populus Dei multiplicandus fide & numero caute conceditur; ideo ego Oda humilis & extremus, diuina largiente clementia, almi præfusis & pallii ho-

nore

nore ditatus: quædam documēta, omni Christicola, ni fal-
lor, non indigna, quæ a præcedentibus illustrium virorum
præceptis certissima comperi, ad consolationem domini
mei regis, scilicet Edmundi, omnisque populi excellenti
imperio eius subiecti, in ista chartula coadunare decreui.
Vnde deuotissime obsecro, & clementissime hortor au-
dientium mentes, vt si quando hæc recitanda audiant, in-
teriorius videlicet in corde frequenti meditatione plantent:
& multiplici bonæ operationis munere, ex eo fructum pa-
catissimum in tempore messis sibi colligant.

C A P V T I.

Primo capitulo præcipimus & mandamus, vt sancta
Dei ecclesia, quæ sanguine Christi primum fundata est, &
fidelium multitudine, sponsa dealbata, nullis ingredietur
malorum interruptionibus. Nec alicui liceat censum po-
nere super ecclesiam Dei: quia filii ecclesiæ, id est filii Dei,
ab omni censu terrestri liberi sunt in omni regno. Ambro-
sius ait: Ecclesia catholica libera est ab omni censu princi-
pis. In historia ecclesiæ: Si quæ domus agri, vel quælibet
prædia a Christianis direpta sunt, siue sub fiscum regalem,
siue in dona collata sunt, hæc omnia in antiquum ius Chri-
stianis præcipimus reuocari. Gregorius enim ait: Si quis
ecclesiam Christi denudauerit, anathema sit, si non fa-
tisfactione emendauerit. Et iterum: Quisquis ecclesiæ
Dei parochias violare vel usurpare per rapinam tentauer-
it, ab ecclesiæ ministris excommunicandus est, & omni-
modo a corpore Christi alienus. Audent enim extra mili-
tes qui Christum crucifixerunt aliquid, qui ecclesiæ eius
disciplinæ regulis obedire contemnunt: ecclesia enim
habet potestatem ligandi atque soluendi.

II.

Secundo capitulo admonemus regem & principes, &
omnes qui in potestate sunt, vt cum magna humilitate suis
archiepiscopis, omnibusque aliis episcopis obedient: quia
illis claves regni cælorum datae sunt, & habent potesta-
tem ligandi atque soluendi: nec se magni pendant in sœ-
culari potentia, quia Deus superbis resistit; humilibus dat
gratiam: habeatque rex prudentes consiliarios, Deum ti-
mentes super regni negotia; vt populus bonis exemplis
regis & principum eruditus proficiat in laudem & glo-

Concil. Tom. 25.

H

58 CONSTITUTIONES ODONIS

riam Dei. Neminem iniuste per potentiam opprimere : fine acceptione personarum inter virum & proximū suum iudicare : aduenis, pupillis, & viduis, protector esse : furustum prohibere : adulteria punire : iniquos non exaltare : pauperes eleemosynis alere : quia etsi omni homini necessarium est Christi custodire mandata, præcipue tamen regibus & omnibus in sublimitate positis ; qui & pro seipsis etiam, & pro vniuersis sibi subiectis, in die districti examinis iusto iudici rationem sunt reddituri.

III.

Tertio, admonendi sunt episcopi, quatenus cum omni honestate & modestia in sanctæ religionis pietate prædicanter & ostendant exempla bona omnibus. Ut suas parochias omni anno cum omni vigilantia, prædicando verbum Dei, circumeant ; ne aliquis per incuriam pastoris, per deuia cuiuslibet ignorantiae errans, lupinis pateat mortibus lacerandus. Ne quis turpis lucri gratia, sed spe mercedis æternæ, gregem sibi commissum pascere studeat : quod enim gratis excepimus, gratis impendere non differamus. Absque ullo timore vel adulazione cum omni fiducia verbum veritatis prædicare, regi, principibus populi sui, omnibus dignitatibus, & nunquam veritatem subterfugere. Neminem iniuste dampnare, neminem nisi iuste communicare, omnibus viam salutis demonstrare.

IV.

Quarto capitulo, admonemus presbyteros ut populum Dei bonis exemplis habitu sancto doceant, & doctrina sancta erudiant & informent. Ut illorum conuersatio in omni bonitate & modestia moribus populi excellentior sit : quatenus qui eum viderit secundum presbyteratus sui dignitatem vestitum incidentem, bene & laudabiliter enuntiat habitus eius.

V.

Quinto capitulo admonendi sunt clerci, ut canonice cum omni honestate & reuerentia iuxta sanctorum patrum decreta viuant : præbentes bona omnibus exempla, quatenus in eorum bona conuersatione laudetur episcopus, honoretur ecclesia, populus proficiat in laudem Dei, & illi secundum nominis sui dignitatem, digni in Dei hereditatem venire efficiantur.

VI.

Sexto capitulo hortamur monachos, & omnes qui votum Deo voverunt, vt in omni humilitate & obedientia die noctuque hoc adimplere studeant, permanentes in timore Dei in ecclesiis vbi se voto constringerunt. Non sint vagabundi, neque gyrouagi, qui nomen monachi desiderant, officium autem eius contemnunt : sed secundum exempla apostolorum, per habitum humilitatis, laboribus manuum, & lectione sacra, & continuis orationibus se exercentes: parati, præcinctis lumbis, ardentibusque lucernis, patrem familias expectent, vt veniens eos faciat in æterna requie sine fine permanere.

VII.

Septimo capitulo prohibemus & interdicimus omnibus Christianis iniusta connubia, & incestuosa, cum monialibus, vel cognatis, vel cum aliis illicitis personis. Sanctæ enim recordationis Gregorius papa, cum pluribus episcopis, seu sacerdotibus ceteris, in basilica beati Petri apostoli constituit: Si quis monacham, quam Dei ancillam appellant, in coniugio duxerit, anathema sit. Et respondeant omnes: Amen. Nos quippe eamdem apostolicam auctoritatem sequentes, simili modo iaculum maledictionis talibus imponamus, nisi correptus a tam nefanda præsumptione ad satisfactionem peruenerit.

VIII.

Octavo capitulo obseruamus, vt quando in aliquo conuentu venerimus, tota intentione consideremus quid Psalmista nos admonet, dicens: *Dominus prospicit super filios hominum*: & reliqua. Et iterum: *Dominus dissipat consilia gentium*: & reliqua usque in hereditatem sibi. Ideo prævidendum est, fratres, vt sit concordia & vnanimitas inter episcopos & principes omnemque populum Christianum, vt sit vnitas ubique ecclesiarum Dei, & pax: immo una sit ecclesia, fide, spe & caritate, vnum habens caput, quod est Christus: cuius membra se inuicem adiuuare mutuaque caritate diligere debent, vt ipse ait: *In hoc cognoscant omnes*: & reliqua. *Iohann. 14.*

IX.

Nono capitulo admonemus iejunium cum eleemosynis caute & vigilanter conseruare: istæ enim sunt tres alæ quæ ducunt sanctos ad cælum. Quatenus quadragesimale

Concil. Tom. 25.

H ij

60 CONSTITUTIONES ODONIS

ieiunium, quatuor tempora, & alia legitima ieiunia. Vide-
licet iv. feriam & vi. feriam, cum magna vigilancia obser-
uare studeatis: & super omnia dominicum diem, & san-
ctorum festivitates, sicuti Canon & exempla præceden-
tium affirmant, ab omni sæculari opere cautissime custo-
dire procureatis, nec superstitionibus vanis consensum
præbeatis: neque creaturam pro creatore magicis illusio-
nibus adorabis: quia qui talia agunt regnum Dei non
possidebunt.

X.

Deut. 12. Decimo capitulo mandamus, & fideliter obsecra-
Malach. 3. mus, de decimis dandis, sicut in lege scriptum est: *Deci-
mam partem ex omnibus frugibus tuis, seu primitiis, deferas in do-
mum Domini Dei tui.* Rursum per prophetam: *Afferte, in-
quit, omnem decimam in horreum meum, ut sit cibus in domo mea,
& probate me super hoc. Si non aperuero vobis cataractas cœli,
& effudero benedictionem usque ad abundantiam: & increpabo pro
vobis qui comedit & corrumpt fructum terræ vestræ, & non erit
ultra in ea steriles.* Vnde & cum obtestatione præcipimus ut
omnes studeant de omnibus quæ possident dare decimas,
quia speciale Domini Dei est, & de nouem partibus sibi
vivant, & eleemosynas tribuant. Veritatem autem facien-
tes, in caritate maneamus in illo qui est Deus benedictus
in sæculorum. Amen.

PISTOLA SYNODALIS
ODONIS ARCHIEPISCOPI
CANTVARIENSIS.

Ad episcopos sibi suffraganeos.

MIRABILI cunctipotentis polorum præsulis clemen-
tia opitulante, ego Odo ecclesiæ Salvatoris Domini
nostrí Iesu Christi archiepiscopus, Dorobernenis ciuita-
tis metropolitanus, coepiscopis fidei catholicæ compa-
ginatoribus, spiritali caritate, etiam comitatus rigore,
meis confratribus, præsentium prosperitatem æthereique
decoris beatitudinem. Si aliquo modo fieri posset, ut to-
tius mundi opes ante nostros ponerentur obtutus, ita ut
imperiali munere nobis vniuersaliter deseruirent, libenter